

**BOSNA I HERCEGOVINA
SUD BOSNE I HERCEGOVINE
SARAJEVO**

Broj: Su-08-228/16
Sarajevo, 16.09.2016. godine

Na osnovu člana 70. i 87. stav 3. Zakona o javnim nabavkama Bosne i Hercegovine („Sl. glasnik BiH“, broj 39/14), člana 7. Pravilnika Suda BiH o postupku direktnog sporazuma broj: Su: 03-48/15 od 21.01.2015. godine i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05), te posebne Odluke o pokretanju postupka nabavke broj: Su-08-226/16 donosim,

**ODLUKU
o direktnom sporazumu**

član 1.

Zaključuje se direktni sporazum sa ponuđačem **KJKP „Rad“ d.o.o. Sarajevo** za nabavku usluge uništenja oduzetih predmeta po presudama Suda Bosne i Hercegovine.

član 2.

Nabavka iz člana 1 ove odluke vrši se u skladu sa članom 90. Zakona o javnim nabavkama BiH („Sl. glasnik BiH“, broj 39/14) i Pravilnikom Suda BiH o postupku direktnog sporazuma broj: Su-03-48/15 od 21.01.2015. godine.

Vrijednost ove nabavke po jednom satu rada vozila i radnika KJKP „Rad“ d.o.o. Sarajevo iznosi **440,39 KM** sa PDV-om.

član 3.

Za realizaciju ove Odluke zadužena je Komisija za javne nabavke Suda BiH osnovana Odlukom broj: Su-10-56/16 od 12.02.2016.godine.

član 4.

Ova odluka stupa na snagu danom donošenja i objavit će se na se na internetskoj stranici Suda BiH. Komisija za javne nabavke uputit će obavještenje ponuđaču o rezultatu postupka nabavke.

Obrazloženje

Postupak javne nabavke putem direktnog sporazuma pokrenut je posebnom Odlukom o pokretanju postupka javne nabavke broj: Su-08-226/16 od 16.09.2016. godine. Pismeni zahtjev za ponudu upućen je na adresu firme KJKP „Rad“ d.o.o. Sarajevo. Komisija za javne nabavke je zaprimila i analizirala ponudu ponuđača te utvrdila sljedeće;

Ponudač KJKP "Rad" d.o.o. Sarajevo je dostavio ponudu broj: 11737/16 od 16.09.2016 godine sa ukupnom cijenom ponude od 440,39 KM.

Komisija je utvrdila da je ponuda firme **KJKP "Rad" d.o.o. Sarajevo** ocjenjena prihvatljivom sa ukupnom cijenom po jednom satu rada vozila i radnika od **440,39 KM** i da odgovara traženim zahtjevima tehničke specifikacije iz poziva za dostavu ponude.

U postupku donošenja ove odluke cijenile su se činjenice da je izabrani ponudač dostavio ponudu koja je tražena u pozivu za dostavu ponude, te da je naručilac zadovoljan cijenom i kvalitetom ponuđene usluge. Iz navedenih razloga, primjenom člana 64. Zakona o javnim nabavkama Bosne i Hercegovine, te člana 7. Pravilnika Suda BiH o direktnom sporazumu, odluceno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

